



Uunga siunnersuut: Inatsisartut Naalackersuisullu pillugit Inatsisartut inatsisaata allangortinneqarneranik Inatsisartut inatsisaat.

(Kukkunersiuinermut Ataatsimiititaliap piginnaatitaanera aamma paasissutissanik atortussanillu piunasaqarsinnaatitaanera)

Inatsisartut Siulittaasuut

Siullermeenera

Inatsisartut Naalackersuisullu pillugit Inatsisartut inatsisaata allangortinneqarneranik Inatsisartut inatsisissaannut siunnersuut Siulittaasoqarfik sinnerlugu Inatsisartut siulittaasuata saqqummiussaannut Naleqqamiit imatut oqaaseqaateqassaagut.

Siunnertuutip uuma saqqummiuttariaqalersimanera Naleqqamiit pissusissamisoortutut uagut Naleqqamiit isigaarput.

Pissaanerup pingasoqiusamik agguarsimanera kialluunniit demokratiimik kikkut tamarnik oqarsinnaanerannut aammalu ikinnerussuteqartut illersugaanerannut, taamatullu pissaanerup agguarneqarnerani pingasoqiusamik agguaasimaneq aallaavigalugu imminut nakkutigeqatigiissinnaanermi aallaaveqarluni toqqammaveqartup paatsuugassaannngitsumik inissisimagaluarluni uggornarpoq maanna inatsisitigut ersarissaasoqartariaqaleramat.

Pissaanerup pingasoqiusannngorlugu agguagaanera Inatsisartut sulineranni toqqammaveqarluta sulivugut tamannalu agguarneqarsimavoq inatsisiliortut tassalu Inatsisartut taamatullu Inatsisinik atuutitsisussaasut Naalackersuisut Inatsisartuniit nakkutigineqarlutik ingerlasut kingumullu Inatsisartut inatsiliornissaannik, taakkulu malinneqarnissaanik ikorfartuillutillu sullissisuusussat atuutitsisussallu inatsisit malinneqarlutik ingerlanermi qulakkeerinnittuusussat. Pingajuatullu inissisimasuupput eqqartuussisuut arlaatigut inatsisinik unioqqutitsisoqartillugu inatsisinik toqqammavigalugu suliaqartuusut pineqaatissiisinnaasullu.



Taamatut pissaanerup pingasoqiusamik agguagaanera grundlovip § 3-mi allaqqasup malinneqarnissaa toqqammaveqarpoq pissaanermik atornerluisoqannginnissaa qulakkeerniarlugu imminut nakkutigeqatigiittoqarsinnaaniassammat.

Tassa imaappoq:

Siullertut; Inatsisiliortut tassaapput Inatsisartut

Aappaattut: Inatsisinik atuutitsisut, tassalu Naalakkersuisut

Pingajuattullu: inatsisinik unioqqutitsinermi pineqaatissiisinnaasut, tassaallutik eqqartuussiviit.

Pissaanerup agguarneqarsimanera namminerminik aqqissuussaanera paatsuugassaanani inissisimaffiusoq ersarilluinnaraluarpoq taamaakkaluartorlu maannakkut killiuffiusimavoq tamatuma naqissuserlugulusooq erseqqissartariaqalersimanera, tamannalu Naleqqamiit tamakkiisumik tapersorsoratsigu oqaatigissavarput.

Siunersuut una saqqummiunneqarnera aallaaveqarpoq Inatsisartut Naalakkersuisut ingerlatsinerannut nakkutilliiniarnerminni paasissutissanik pissarsiniarnerigaluat aporfilersorneqarsimammat.

Naleqqamiit isumaqarpugut Inatsisartut sulinerminni Naalakkersuisunut nakkutilliinerminni paasissutissat pisariaqartut pissarsiarisinnaasariaqaraat, tamannali pisarsimannginnera ilaatigut erserpoq 2020-mut nipisattaassiissutinik Naalakkersuisut qaffaanerannut atatillugu peqataasinnaanermik misissuinerminik Kukkunersiuinermut Ataatsimiititaliap oqaluserinninneranut atatillugu Naalakkersuisut atortussanik pisariaqartunik ataatsimiititaliamut tunniussinaveersaaginnaratik tunniussinaveernerat, tassani allaat ataatsimiititaliap piginnaatitaanera apeqqusersorneqarluni suliaq inissinnikuulluni.

Naalakkersuisut taamanikkut ilaatigut pisasseeqqinnerminni avannaa ilanngullugu sumiginnarujussuarlugulusooq illugu inissipput avannaani inuuniuteqarnikkut pingaartorujussuartut ukiumut ileqqaarnissaminut nipisaat suaannik tuniniaasarnerat amerlasuutigut pitsaanngitsumik sunniuteqarfingaaartsiarloq neriuppugut ilinniarfiussasoq peqqissanngitsorlu avannaanimi aalisartut



ingammik qeqertarsuup tunuani taamanikkut pisassaannik akunnattoormata matusaammattalu aningaasarpassuarnik isertitaqanngtisoornerannik kinguneqarpoq.

Uanili maannakkut killiffeqarnermi suliap ingerlanerani Naalakkersuisut paasissutissanik tunniussinaveersaarsimanagerat inatsisip aqqinneratigut ersarissarneqarpoq pinngitsooratik tunniussissasut.

Inatsisartut Naalakkersuisunut nakkutilliisinnaanagerat killilersorneqassanngilluinnartoq Naleqqamiit isumaqarpugut, taamaammallu maannakkut periarfissaqarnissaq qulakkeerlugu aqqiineq tamakkiisumik Naleqqamiit taperseratigu oqaaseqarfigaarput